

KERATAN AKHBAR TEMPATAN HARIAN METRO (SETEMPAT) : MUKA SURAT 8 TARIKH: 27 MAC 2014 (KHAMIS)

PENCARIAN TAK BERPENGHUJUNG

Selepas ditangguhkan kelmarin akibat cuaca buruk, misi merungkai misteri pesawat MAS MH370 yang kini memasuki fasa siasatan dan penemuan diteruskan semalam dengan tumpuan pencarian meliputi kawasan seluas 80,000 kilometer (km) persegi di selatan Lautan Hindi, kira-kira 2,500 km dari barat daya Perth, Australia.

Ia sekali gus menyaksikan kawasan pencarian dikesalkan berbanding kawasan seluas 600,000 km persegi sebelum ini.

Kawasan pencarian dibahagikan kepada timur dan barat di lautan berkenaan memabatkan penyertaan 12 pesawat tentera dan awam dari Australia, New Zealand, Amerika Syarikat (AS), Jepun, China dan Korea Selatan.

Di bahagian timur, operasi memabatkan sebuah pesawat P3 Orion dan tiga pesawat awam Australia, sebuah pesawat Ilyushin IL-76 China serta sebuah pesawat P3 Orion New Zealand, manakala di barat pula, sebuah pesawat P8 Poseidon AS, sebuah pesawat P3 Orion Korea Selatan, sebuah pesawat P3 Orion Jepun, dua pesawat P3 Orion serta sebuah pesawat awam Australia.

Selain itu, kapal HMAS Success milik Tentera Laut Diraja Australia dan kapal pemecah ais Xue Long serta tiga kapal dagang milik China turut terbabit dalam operasi itu.

HMAS Success ditugaskan di bahagian barat carian manakala Xue Long di sebelah timur.

Pemangku Menteri Pengangkutan Datuk Seri Hishammuddin Hussein pada sidang media semalam berkata, sebanyak 122 objek yang berpotensi mempunyai kaitan dengan pesawat MAS MH370 dikesan satelit kira-kira 2,557 kilometer dari Perth.

Katanya, Agensi Remote Sensing Malaysia (MRSA) menerima imej baru satelit yang diambil pada Ahad lalu daripada Airbus Defence and Space berpangkalan di Perancis, kelmarin.


"MRSA menganalisis imej dalam satu kawasan lautan yang berukuran 400 km persegi dan mengenal pasti 122 objek berpotensi.

"Sesetengah objek adalah sepanjang satu meter, yang lain ada sepanjang 23 meter. Ada di antara objek itu kelihatan terang, kemungkinan menunjukkan bahan yang padu," katanya.


Sebelum ini satelit Australia, China dan Perancis mengesan objek dipercayai ada kaitan dengan pesawat MAS MH370 antaranya dua objek berukuran 24 dan lima meter, manakala pihak berkuasa Australia mengeluarkan kenyataan sebuah daripada pesawat yang digunakan dalam operasi mencari dan menyelamatkan mengesan palet kayu kargo bersama tali pinggang atau tali di kawasan pedalaman Lautan Hindi.

Bagaimanapun, objek yang dikesan itu 'ghali' dan gagal dikesan sehingga kini.

Sehingga jam 6 petang semalam, jurucakap Pihak Berkuasa Keselamatan Maritim Australia (AMSA) melaporkan sebuah pesawat P3 Orion milik Jepun kembali ke Pangkalan Tentera Udara Diraja Australia di Perth tanpa sebarang penemuan.



PENEMUAN TERBARU



ASET YANG DIGERAKKAN KE LOKASI CARIAN

AUSTRALIA

- 3 pesawat P3 Orion
- 1 kapal HMAS Success
- 4 pesawat awam

CHINA

- 1 pesawat Ilyushin IL-76
- 1 kapal pemecah ais Xuelong
- 3 kapal dagang

NEW ZEALAND

- 1 pesawat P3 Orion
- #### AMERIKA SYARIKAT
- 1 Pesawat P8 Poseidon

JEPUN

- 1 pesawat P3 Orion

KOREA SELATAN

- 1 pesawat P3 Orion

BANTUAN SOKONGAN

Jepun menghantar satu pesawat Gulfstream V milik pasukan Pengawal Pantai Jepun berserta 10 pengawal pantai. Ini pasukan kedua dikerahkan negara terbabit.